

LA CARTA DEL APÓSTOL SAN JUDAS

Judas escribe a los que Dios ha llamado

¹ Yua Juda, Jesucristo cu capaa rotirije các yu ã. Jacobo bai yu ã. Caroaro mujaare yu queti joo Dio cu cabejericarãre. Mani Pacu Dio mujaare cabejeyupi muja quenare. Mujaare mairi, yu Macu Jesucristo yarã na anicõa aninucuato ií cabejeyupi Dio mujaare.

² Mujaare bopacoo tujuri caroaro ani wariuñurique mujaare cu joonemoato. Seeto mujaare cu maiato.

Los que enseñan mentiras (2 P 2.1-17)

³⁻⁴ Yu camairã, Dio manire cu canetoorique cabairijere mujaare yu queti joogabapa. Yucuacã muja tupu cabairijere queti apiri ape wame macare ucari mujaare yu queti buio joogu yucura yua. Yucuacã muja mena anicõa anigarã ejarãma jícaarã ricati cabuiorã, cañtorijere cañ buiorã. “Dio yere cariape mujaare já buio,” líbana quena iñtorique macare buioma. Diore caapiñjarã me ãma. Oco bairije iñ buioma mujaare: “Dio mani mai tujuri caroorije mani cátiere majiriobojami. Caroorije mani cátibato quena tugooñaquñmi. To bairi caroorije mani áti anicõato,” iñ buiorãma. Mani Upañrena Jesucristore cabai netoo nucarã ãma to bairo cañrã. Tirumupu Dio ye quetire cabuioricarã ãnana: “To bairona cañtorã anigarãma. Na

popiyeyegumi Dio," ī ucari cabuio jooyupa. To bairi na caī buiorije apiqueticōaña. Dio yarāre cū ye queti cariape Jesu cū cabuiorique nemoona cū caī cūrique jeto caroaro apiuja anicōaña. To bairo īi mūjaare yū queti joo.

⁵ Mūja nipetirā mūja maji mani ūnicū jāa Israel maja na cabairique. Tiere mere majibana quena caroaro tūgooñaña tunu. Tirumāpū mani Upaū Dio Israel maja Ejipto yepapū na capopiye tamāoro tūjūri na cajugo buti aājupū, aperopū na jugo aāchū. Cabero caroaro nare cū cajugo aātie to cānibato quena jīcaarā cū caapiujaquējuparā. To bairo cūre caapiujaquēnare na careyupū Dio yua.

⁶ Ati wame quenare tūgooñaña mūjaa: Tirumāpū jīcaarā Dio tū macana nare cū cāni rotiriquere anigaquetiri cū cabai netoo nūcañuparā. Cūre netoo nūcari nare cū cāni rotibatajere cāaá weoyuparā. To bairo cūre na cabai netoo nūcarique wapa na cabia cūcōañupū Dio caroori paupū. Canaitiaropū na cabia ropoyupū. Ape rūmāpū camajare cū cabejeri rūmū cānopū na popiyeyegumi Dio, topūna na tamāo anicōato īi.

⁷ To bairona capopiyeleyeyupū Dio Sodoma, Gomora na caīri macari macanare. Ti macari tū macā macari macana menare na capopiyeleyeyupū Dio. To macana rooro caūmāna na majuuna caame áti epenucuñuparā. To bairo rooro majuu na cāti epenucuriye wapa na cajoe reyupū Dio. Na joe rei, "To bairona caroorāre na yū popiyeyegū, cañropū anicōa anigarāma," ī buiou Cájupū Dio to macanare yua.

⁸ Ti paū macana rooro na cátatore bairona áama yucū quenare mūja tūpū ricati cabuiorā,

cañorijere cañ buiorã. Na quena na majuuna na catugooña mawijiarije caroorije áti eperique na cátigari wame cõona átinucuma. Cañparã na carotirije quenare booquẽema. Dio cu carotirije quenare íeperi bai netoo nucanucuma.

⁹ Dio tu macacu ángel Miguel cawamecucu Diore carotibojau maca cañoräre bairo rooro cawadaquẽjupu. Cañorã netoro carottii anibacu quena Sataná quenare rooro cu cawadaquẽjupu Miguel. Moisé cäniñaricu rupaü ãnatore Miguel cäre cu cayaa rocagaro cabooquẽjupu Sataná maca. Booquẽcuna cu cawada canamuñupu Miguere Sataná. To bairo Sataná cu cañ wada canamuro apii, “Mu ñuuquẽe,” cu majuuna cu cañ tutigaquẽjupu Miguel. Cu majuuna Satanáre tutigaquetiri, “Yu Ùpaü Dio maca mure cu tutiato,” Satanáre cu caññupu Miguel. Cañoräre bairo rooro cawadaquẽjupu Miguel.

¹⁰ Cañorã maca rooro í epema Dio ye macajere, cabauquëtie. Tiere na catuquëtiere tugooña majiquetibana quena rooro í epenucuma. Cawatoa macaje na rupaü macaje jetore tugooña majima. To bairi waibucuräre bairo na rupaü macaje caroorije jetore áticõa aninucuma. Waibucuräre bairo ãma, caroare catugooña majiquëna aniri. To bairo na cátie wapa na regumi Dio.

¹¹ Seeto majuu na popiyeyegumi Dio. Caín cawamecucu tirumapu macacu cu majuuna cu cátigarijere, caroorije jeto cájupu. To bairo rooro cu cátatore bairona átiga tugooñanucuma muja tu cañorã yucu quenare. Apeñ tunu Balãa tirumapu macacure cu cátatore bairona caroorije átinucuma. Caroori wame cátigabajupu Balãa, niyeru aperã

cāre na cawapayepere bo. Apeī cāñupu tunu Cora cawamecucu tirumapu macacu. Cu mena macana mena Dio cu cacūricarāre caapijagaquējuparā. To bairo na cabairo Dio na careyupu Cora jāare. Nare cu carericarore bairona na regumi Dio ricati mujaare caitorā quenare.

12 Cristore canucubugorā muja caneñapo ugardo muja mena neñapo ugancuma na quena. Cristore caapijaguēna anibana quena muja mena neñapoganucuma, jocarāna, “Dio yarā jā ã,” ūri. To bairi Diore uwiquēnana neña ejanucuma na quena. Ejari, na caboorijere áama aperāre átinemoquēnana. Na una muja mena na cāno ñuuquēe, “Ñuurāma,” na muja caí t̄goooñarije to cānibato quena. Cañuuriye áti majiquēema. To bairi Dio na regumi.

13 Boboori wame caroorijere janaquēnana átinucuma. “Dio yere camajirā jā ã,” caírā anibana quena jocarāna ricati jeto ūnucuma. To bairo na cabairo popiye tamorica paþpu, canaitiaropu Dio cu careparā ãma. Topuña anicōa aninucugarāma.

14-15 Tirumapu na cabaipere cabuio jugoyeyeyupi Enocu cawamecucu. Adán pāramipu cu bero macacu, siete cānacāu bero macacu cāñupu Enocu. Ocōo bairo caí buio jugoyeyeyupi Enocu:

Atígumi mani Upa, capāarā majuu cu tu macana ángel maja mena. Ejari, camaja nipetirā na bejei atígumi. Na bejei cāre cabooquēnare ocōo bairo na ūgumi Dio: “Yure booquēna, pairo majuu caroorije yu cabooquētiere muja cápá. Pairo majuu caroorije yure muja cawada pai netoo nacawa. Nipe-

tirije caroorije muja cátaje wapa mujaare yu popiyeyegu,” na īgumi Dio, caĩ buio jugoyeyeyupi Enocu tiramupu macacu.

To bairona na átigumi Dio yucuacã ricati caĩ buiorã quenare.

16 Aperã na cáti aniere, “Ñuuquẽe,” īnucuma. Aperã na cāniere ī wada painucuma. Na majuuna caroorije na cátigari wame átinucuma. “Jã jeto cama-jirã jã ã,” jocarãna īnucuma. Aperãre, “ ‘Caroarã muja ã,’ nare mani ītorã, caroaro jãre na áparo īrã,” ītonucuma, na majuuna.

Amonestaciones a los creyentes

17 Muja maca, yu yarã, mani Upau Jesucristo cu cabue jugoricarã nemoona na cabuioriquere tugooñaña tunu.

18 Ricati cabuiorã, caitorã na cabaipere ocõo bairo cariape caĩ buioyupa mujaare. Nemoona ocõo bairo muja caĩ buioyupa Jesu buerã cānana: “Ati umurecoo capetiparo jugoyeacã Dio ye que-tire caĩ esperã anigarãma. Na majuuna caroorije na cátigari wame Dio cu cabooquëtiere áticõa ani-garãma,” mujaare cañupupa.

19 To bairo na caĩ buio jugoyeyericarore bairona baima caitorã yucura. Dio Espíritu Santore cugoquẽema. To bairi Dio Wadarique cāníquëtiere aperãre buionucuma. To bairo caitorijere buiobana Jesucristore caapiujarã cāni poa macana majure ricati na caĩ tugooñaro, na caame ī netoo nucaro áama. Ati yepa macaje, apeye uniere na cacugope, caroorije na cátipe jetore tugooña majima. To bairi caroorã majuu ãma ricati caĩ buorijere caitorã.

20 Muja maca Jesucristore caapiujarã aniri ame tugooña ocabutioya mujaa. Tugooña tutuarique ame jooya. To bairo muja cátó netobujaro Cri-store muja tugooña ocabuti nutuagarã. Dio Espíritu Santo mujaare ch camajiorije jugori Diore jenicõa aninucuña.

21 Dio manire camai jugoyupi. To bairi ch mairi, ch caboorije jeto áticõa aninucuña. Mani Upau Jesucristo manire bopaca tujuri ch mena mani cãnicõa aninucupere mani joomi. To bairi ch tupu mani cãnicõa aninucupere tugooña yuuya wariuñurique mena.

22 Jucaarã muja mena macana Jesucristore catugooña ocabutiquëna ãma. Ch ye quetire tutuaro tugooñaquëema. Na mai tujuri caroaro na buioya cariape macajere.

23 Camajare Dio na popiyeyeremi ïrã Jesu ye quetire na ï buioya. To bairo na muja caï buioro jucaarã api nucubugogarãma. Na caapi nucubugoro peropu na requetigumi Dio yua. Aperã tunu caroorije pairã quenare na mai tujuri Dio ye quetire na ï buioya. Caroorije na cátire seeto teeya muja quena. To bairi na mena ãnapu netobujaro Jesucristore tugooña ocabutiya, nare bairo caroorije mani átire ïrã.

Alabanza final

24-25 Ocõo bairijere Diore ï wariuñuuriquere cajoope ã: Jã Pacu Dio jucauna mu ã jã cátí nucubugopau. Jã Upau Jesucristo manire ch cabai yajibojarique jugori jãre mu canetoowu, caroorã ya paupu cayajiboparãre. Caroau majuu mu ã. Aperã netoro cãcu mu ã. Cauparã nipetirã netoro caroti majii majuu mu ã. Nipetirijere carotii mu ã.

Nipetirijere mu áti maji. To bairona mu cabaiyupa atí umurecoo cāniparo jugoye. To bairona mu bai yucu quenare. To bairo jeto mu baicõa aninucugu. Tugooña tutuariquere jãre mu joonucu maji, rooro jã cátiquetiparore bairo ñi. Ape rumu tunu caroorije mana ãma, yu tupu na wariñuu anicõato ñi jãre mu jei aá maji mu carotiri paupu. Amén.

To cõona ã.

Dio Wadarique New Testament in Tatuyo

copyright © 2009 Wycliffe Bible Translators, Inc.

Language: (Tatuyo)

Translation by: Wycliffe Bible Translators, Inc.

Copyright Information

© 2009, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Tatuyo

© 2009, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

PDF generated using Haiola and XeLaTeX on 18 Apr 2025 from source files
dated 29 Jan 2022
567a3a55-fb71-5739-897d-feb9b547d57b